

INFORMATION SHEET - KIMBERLEY KRIOL

'Sexual harassment' la wek

Wat thadun 'sexual harassment'?

Wan sumwan duen sei rud ding en rud wed la yu en i meikim yu filimsalp nogud, wal thadan na tha 'sexual harassment'. It don hebtu hebin bigmob taim. Nebamain i bin onli hebin wantaim, wal i stil rong tu.

'Sexual harassment' gin bi eni ob dislot ding:



Tatjimat, hagambut en gijimat wan det pejin nebaf telim yu o letim yu



Lukinat prabli la dat pejin o lukin la dem bo bodi ebriwae



Tokin o jokin rud wei



Swaerimat samwan maen o wumin wei



Rudwan pitja, imail o mijaj



Askimat dat pejin rudwan wei bla dae onwan laif en bla dae bodi

'Sexual harassment' is praba nogudwan en yu shud nat igno thadan. Yuswan bos shud telim yu en shoim yu peipa baut wat you gin du ib you geding 'sexually harassed', ib samwan sei o du samding rud la yu la yuswan wek pleis. Yu shud filimsalp seif la yuswan wekpleis en yu gan git in trabul bo ripotimat dat ding. Ib yu git in trabul wal yu gin telim 'Fair Work Ombudsman'.

Wat du 'WorkSafe Mines Safety' du? Wat dae wek?

'WorkSafe' mob gedim ripot bo 'Sexual harassment' en dei du samding baut id. Wan yu ripotim eniding rong la yuswan bos dat gada du wid yu, samwan els o yuswan wokpleis, wal dat pejin gada meiksho dei letim 'WorkSafe' no. Ib yuswan bos doen teik notis en stopim 'sexual harassment' la yuswanwekpleis, wal yu gin ripotim la 'WordSafe'.


Yu ginringap la 'WorkSafe Mines Safety' o yu gin ripotim dem la dislot numba:

- Ringap la **1300 307 877** (wen I weking awas taim)
- Ringap la **1800 678 198** (autsaid la weking awas en ib I aegintwan)
- Yu gin sendim imeil la dem tuu la wscallcentre@demirs.wa.gov.au

Wil mai bos no ai bin putim in ripot?

Wen yu meikim but ripot yu doen hebdu telim dem dat yu bin ripotim yuswan bos. 'WorkSafe' wil stil boloramup la wat bin hebin ib dei don no bla yu. Il bi lil bit hadwan bat dumuj dei gan tok la y utu gedam mo stori brom yu.

'WorkSafe' respectam hau pejin gin ripotim eniding la dae bos, la plisman o la 'WorkSafe'.



Other pleis det gin helbam yu

Ib yu lukum yuswan wek meit la praba deinja o yu filimsalp nat seif, yu gin ringap 'WA Police' la 000.

| Natha wek pleis or wek aeria | Wat dei gin du | Hau yu gin tok la sawan la thadan pleis |
|---|---|--|
| The Mining Industry Respect Infoline | Dei gin helbam yu en sapotim yu ib eniding bin hebin la yu thudu 'sexual harassment' la yuswan maining wek pleis o la 'mine site'. | Namba 1800 929 250 |
| LifeLine | Yu gin ringimap 'LifeLine' eni taim ib yu in trabul gada prablim o yu filimsalp laik yu wanda kilimsalp. | Namba: 13 11 14 www.lifeline.org.au |
| Sexual Assault Resources Centre (SARC) | Dei gibim yu sapot en helbam yu ib yu bin go thudu 'sexual assault' wen samwan bin du rud ding la yu o dey bin nakam yu o tok nogud wei la yu. Dis gin be brom nat long ago o long taim. Dei duim 'counselling' gada yu tuu. | Namba: (08) 6458 1828 24-hour crisis line 1800 199 888 (dijan 'free call' bat nat brom mobil poen) www.kemh.health.wa.gov.au/other-services/sarc |
| Fair Work Commission (FWC) – Dis mob luk afta yu la yuswan wekpleis tu meiksho yuswan bos tridimbat yu rait wei. Dis mob meiksho tuu dat wekpleis bolorambat gabaman bla rul en lo. | Dat FWC mob bin helbam yu en tokap bla yu ib yu swan bos bin telim yu dat yu gan wek dae animo en i bin andam aut yu brom dat wekpleis dumuj yu bin ripotim dat 'sexual harassment'. Dei gin helbam yu bla nathalot ding tuu dat yu nat hebi bla. | Namba: 1300 799 675 www.fwc.gov.au |